



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DODJELI „ŠESTOAPRILSKE NAGRADE GRADA SARAJEVA“
U 2021. GODINI
ZA DOPRINOS U OBLASTI NAUKE I OBRAZOVANJA
Prof. dr. Arzija Pašalić
(prijedlog)

Predlagač: Odbor za dodjelu
„Šestoaprilske nagrade Grada Sarajeva“ u 2021. godini

Obrađivač: Gradska služba za Gradsko vijeće

Sarajevo, mart 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), Gradsko vijeće Grada Sarajeva, na sjednici održanoj dana _____ godine, donijelo je

(prijedlog)

ODLUKU

O DODJELI „ŠESTOAPRILSKE NAGRADE GRADA SARAJEVA“ U 2021. GODINI ZA DOPRINOS U OBLASTI NAUKE I OBRAZOVANJA

Član 1.

Dobitnik pojedinačne „Šestoaprilske nagrade Grada Sarajeva“ u 2021. godini za doprinos u oblasti nauke i obrazovanja je *prof. dr. Arzija Pašalić*.

Član 2.

Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Član 3.

„Šestoaprilska nagrada Grada Sarajeva“ dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Dr. Igor Gavrić

Broj: 01-GV-02-____/21
Datum: __.__.2021. godine



OBRAZLOŽENJE

PRAVNI OSNOV

Pravni osnov za donošenje ove odluke je sadržan u odredbi člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je utvrđena nadležnost Gradskog vijeća za donošenje Odluke o dodjeli „Šestoaprilske nagrade Grada Sarajeva“, kao i odredbi člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19) kojim je propisano da Gradsko vijeće donosi konačnu odluku tajnim glasanjem na zatvorenoj sjednici za javnost.

RAZLOZI ZA DONOŠENJE ODLUKE

„Šestoaprilska nagrada Grada Sarajeva“ dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine. Pod značajnim ostvarenjima podrazumijevaju se djela ostvorena u kontinuitetu koja se ocjenjuju kao doprinos razvoju odgovarajuće oblasti, u skladu sa kriterijima, uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Sastavni dio obrazloženja je prijedlog pristigao po Javnom pozivu za predlaganje kandidata za dodjelu „Šestoaprilske nagrade Grada Sarajeva“ u 2021. godini.

Nagrada se dodjeljuje kao pojedinačna Nagrada za izuzetan doprinos *prof. dr. Arzije Pašalić* u „oblasti nauke i obrazovanja“, a u skladu sa Odlukom o uslovima i načinu dodjele „Šestoaprilske nagrade Grada Sarajeva“.

Odbor za dodjelu „Šestoaprilske nagrade Grada Sarajeva“ u 2021. godini je, razmatrajući pristigle prijedloge za dodjelu Nagrade, uputio prijedlog za po dva prvorangirana kandidata za dodjelu Nagrade za doprinos u „oblasti nauke i obrazovanja“ i to Prijedlog Odluke o dodjeli Nagrade *prof. dr. Arziji Pašalić* i Prijedlog Odluke o dodjeli Nagrade *prof. dr. Mehmedu Bublinu*. Gradsko vijeće se, tajnim glasanjem, određuje o konačnom dobitniku Nagrade u 2021. godini u ovoj oblasti na sjednici Gradskog vijeća, a razmatrajući ova dva navedena prijedloga.

PREDLOŽENA RJEŠENJA

Članom 1. se imenuje dobitnik Nagrade u 2021. godini.

Članom 2. se određuje da Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Članom 3. je utvrđeno da se Nagrada dodjeljuje u obliku Povelje i sadrži novčani iznos.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke se planiraju u Budžetu Grada Sarajeva.

PRIMLJENO:	19.01.2021		
Org. jed.	Broj	Prilog	Vrijednost
04	05-04		- 35/21



**UDRUŽENJE „ASOCIJACIJA STUDENATA FAKULTETA
ZDRAVSTVENIH STUDIJA“**



Nemanja Jovičić, Asocijacija studenata

Broj: 01-17-12-01/21

Fakultet zdravstvenih studija Univerziteta u Sarajevu

Datum: 14.01.2021.

Udruženje „Asocijacija studenata
Fakulteta zdravstvenih studija“

BiH, FBiH

KANTON SARAJEVO

GRAD SARAJEVO

GRADSKO VIJEĆE

N/r Odbora za dodjelu „Šestoaprilske nagrade Grada Sarajeva“

Ul. Hamdije Kreševljakovića 3/I

**Predmet: PRIJEDLOG KANDIDATA ZA DODJELU „ŠESTOAPRILSKE NAGRADE
GRADA SARAJEVA“ u 2021.godine**

Poštovani,

U skladu sa Vašim Javnim pozivom za dodjelu „Šestoaprilske nagrade Grada Sarajeva“ u 2021. godini, dostavljamo kandidaturu za dodjelu nagrade iz oblasti **nauke i obrazovanja**, dekanesi Fakulteta zdravstvenih studija Univerziteta u Sarajevu:

prof. dr. ARZIJI PAŠALIĆ

Uz ovaj prijedlog, shodno tekstu Javnog poziva, dostavljamo:

- ❖ obrazloženje kandidature i biografiju kandidata (3 primjerka),
- ❖ prijedlog odluke Upravnog odbora Udruženja (3 primjerka),
- ❖ odluku Skupštine Udruženja (3 primjerka),



UDRUŽENJE „ASOCIJACIJA STUDENATA FAKULTETA ZDRAVSTVENIH STUDIJA“



- ❖ zapisnik sa Skupštine Udruženja (3 primjerka),
- ❖ saglasnost prof. dr. Arzije Pašalić o prihvatanju kandidature (3 primjerka),
 - podršku Udruženja inženjera medicinske radiologije u Federaciji BiH (1 original primjerak i 2 ovjerene kopije);
 - podršku Udruženja ratnih vojnih invalida Novi Grad-Sarajevo; (1 original primjerak i 2 ovjerene kopije)
 - podršku Komore diplomiranih zdravstvenih inženjera svih profila FBiH; (1 original primjerak i 2 ovjerene kopije)
 - podršku Asocijacije laboratorijskih i sanitarnih zdravstvenih profesionalaca u BiH; (1 original primjerak i 2 ovjerene kopije)
 - podršku Asocijacije studenata Stomatološkog fakulteta – ASSF „Studentist“; (3 original primjerka)

U nadi, da ćete ovu kandidaturu prihvatiti, srdačno Vas pozdravljamo s zahvalom unaprijed.

Predsjednik Udruženja

Nemilica Jovičić s.r.





**UDRUŽENJE „ASOCIJACIJA STUDENATA FAKULTETA
ZDRAVSTVENIH STUDIJA“**



Broj: 01-12-23-12/20

Datum: 23.12.2020.

U skladu sa čl. 20 Statuta Udruženja „Asocijacija studenata Fakulteta zdravstvenih studija“,
Upravni odbor Udruženja na vanrednoj sjednici održanoj 23.12.2020.godine, donio:

PRIJEDLOG ODLUKE

Član 1.

Ovom odlukom, predlaže se Skupštini Udruženja na usvajanje, kandidatura dekanese Fakulteta zdravstvenih studija Univerziteta u Sarajevu, prof. dr. Arzije Pašalić, za dodjelu „Šestoaprilske nagrade Grada Sarajeva“ u 2021.godini.

Član 2.

Predlaže se kandidatura za *oblast nauke i obrazovanja*.

Član 3.

U skladu sa članom 11. stav (2)a, Statuta Udruženja Upravni odbor zahtijeva sazivanje vanredne Skupštine Udruženja, kojoj će se iznijeti prijedlog odluke, na eventualno usvajanje.

Predsjednik Upravnog odbora



Adresa: Stjepana Tomića 1, 71000 Sarajevo, BiH **E-mail:** asocijacija.studenata@fzs.unsa.ba

Tel.: 062/ 811- 532



**UDRUŽENJE „ASOCIJACIJA STUDENATA FAKULTETA
ZDRAVSTVENIH STUDIJA“**



Broj: 04-05-28-12/20

Datum: 28.12.2020.

U skladu sa čl. 12 Statuta Udruženja „Asocijacija studenata Fakulteta zdravstvenih studija“, Skupština Udruženja, kao najveći organ upravljanja, na vanrednoj sjednici održanoj 28.12.2020.godine, donijela je jednoglasnu:

**ODLUKU O KANDIDATURI ARZIJE PAŠALIĆ
ZA „ŠESTOAPRILSKU NAGRADU GRADA SARAJEVA“**

Član 1.

U skladu sa Javnim pozivom o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2021.godini, Skupština Udruženja predlaže **prof. dr. Arziju Pašalić**.

Član 2.

Kandidat prof. dr. Arzija Pašalić se kandiduje za *oblast nauke i obrazovanja*.

Obrazloženje: *Analizirajući sve zadane kriterije i uvjete za dodjelu navedene nagrade kao najvišeg društvenog priznanja, kojeg dodjeljuje Gradsko vijeće Grada Sarajeva, objektivno nastojeći očuvati njen dostignuti visoki renome, te opravdati sve aspekte stimulativne funkcije društvenih priznanja i afirmacije pozitivnih društvenih vrijednosti, Skupština Udruženja, kao najveći organ upravljanja Udruženja, donijela je Odluku kao u dispozitivu.*

Predsjednik Udruženja

Nemanja Joyčić s.r.



Predsjednik Skupštine Udruženja

Sarah Arnautović s.r.

BIOGRAFIJA KANDIDATA I OBRAZLOŽENJE KANDIDATURE

Ponosni na rezultate, pozdravljamo nove izazove!

Prof. dr. Arzija Pašalić rođena je 14.05.1969. godine u Srebrenici. Živi i radi u Sarajevu.

- Osnovnu i srednju školu je završila u Srebrenici 1988. godine i stekla zvanje hemijski tehničar-analitičar.
- Dalje školovanje je nastavila na Fakultetu zdravstvenih studija Univerziteta u Sarajevu, gdje je diplomirala i stekla zvanje sanitarnog inženjera.
- Kao diplomant Fakulteta zdravstvenih studija, dobitnik je zlatne povelje Univerziteta u Sarajevu.
- Magistarski studij je završila 2011. godine i stekla je zvanje magistra zdravstvenih nauka.
- Nakon sticanja zvanja magistra slijedilo je dalje usavršavanje i 2015. godine je završila doktorske studije, stekavši zvanje doktora zdravstvenih nauka.

Karijera, usavršavanje i napredovanje prof. dr. Arzije Pašalić ukazuju na sistematičnost i kvalitet njenog rada:

- ✓ Za asistenta na Fakultetu zdravstvenih studija Univerziteta u Sarajevu izabrana je 2009. godine;
- ✓ Za višeg asistenta je izabrana 2013. godine;
- ✓ Zvanje docent doktora stekla je 2016. godine;
- ✓ Od 2018. godine obavlja funkciju dekana Fakulteta zdravstvenih studija;
- ✓ Zvanje vanrednog profesora na Fakultetu zdravstvenih studija Univerziteta u Sarajevu stekla je 2019. godine
- ✓ Od 2020. godine nalazi se na poziciji predsjednice grupacije medicinskih nauka Univerziteta u Sarajevu.

Profesionalni put prof. dr. Arzije Pašalić je izuzetno sadržajan i ispunjen potragom načina da se podigne nivo visokoškolskog obrazovanja.

Učesnica je većeg broja specijalističkih kurseva, seminara i treninga, gdje posebno treba istaći dobijanje certifikata za *internog audita*, po standardu ISO 9001:2008 i ISO 9001:2015, certificirani je *HACCP ekspert, menadžer kvaliteta* u visokom obrazovanju. Učesnica je u šest naučno-istraživačkih projekata međunarodnog karaktera. Autor je više od pedeset stručnih i naučnih radova objavljenih u časopisima koji se nalaze u međunarodnoj bazi podataka. Koauto i autor je većeg broja univerzitetskih udžbenika. Glavni je urednik časopisa *Journal of Health Sciences*, (koji je jedini časopis Univerziteta u Sarajevu indeksiran u međunarodnoj bazi SCOPUS). Mentor je na postdiplomskim studijama za magistarske i doktorske studije.

Prof. dr. Arzija Pašalić je rukovodila Uredom za kvalitet Fakulteta zdravstvenih studija Univerziteta u Sarajevu. Član je tima za izradu Pravilnika o osiguranju i upravljanju kvalitetom Univerziteta u Sarajevu, te tima za izradu Strategije Univerziteta u Sarajevu kao i Odbora za kvalitet Univerziteta u Sarajevu. Jedan je od osnivača Udruženja za sanitarno inženjerstvo u BiH i član je uređivačkog odbora profesionalne web platforme Sanitarac.

Kao dekan Fakulteta zdravstvenih studija, uspostavila je saradnju sa srodnim fakultetima iz regije. Profesorica Pašalić je zaslužna za osnivanje dva nova studijska programa na Fakultetu zdravstvenih studija (Studij babičarstva/primaljstva, te Studij zdravstvenog nutricionizma i dijetetike), koji su prvi studijski programi ove vrste u Bosni i Hercegovini, a među prvima u regiji. Upravo ovi, novi programi svjedoče o angažmanu prof. dr. Arzije Pašalić i o nastojanjima da brigu o porodici, djeci i te veoma važnom zdravlju populacije podigne na viši nivo. Dala je veliki doprinos i u integraciji Univerziteta u Sarajevu.

Svojim angažmanom je doprinijela regulisanju statusa kampusa Univerziteta u Sarajevu koji je nakon 10 godina postao vlasništvo Univerziteta, što predstavlja značajan uspjeh kako za Univerzitet, tako i za Grad Sarajevo.

Nakon četrdeset sedam godina postojanja Fakulteta zdravstvenih studija, koji nije imao vlastiti prostor, svojim izuzetnim zalaganjem uspjela je obezbijediti trajni smještaj Fakultetu zdravstvenih studija, čime se riješio problem preko 1200 studenata ovoga Fakulteta. Studenti našeg fakulteta su bili prinuđeni pohađati nastavu na 8 različitih lokacija u gradu Sarajevu.

Rješavanjem ovoga pitanja povećala se funkcionalnost fakulteta, te su postavljeni temelji za dalje unapređenje kvaliteta nastave i dobivanje kvalitetnih kadrova iz oblasti zdravstvenih nauka, što predstavlja veliki dobitak za grad Sarajevo i Bosnu i Hercegovinu.

Svojim zalaganjem uspjela je oformiti Institut za razvoj zdravstva, koji predstavlja podorganizacionu jedinicu Fakulteta zdravstvenih studija, putem koje će se omogućiti završenim studentima dalje stručno napredovanje, te uspostaviti saradnja sa sličnim institutima iz inostranstva, a što će povećati vidljivost Univerziteta u Sarajevu, te promociju Grada Sarajeva i u ovoj oblasti.

Posebno se isticala u pomaganju studenata u stanju socijalne potrebe, djece demobilisanih boraca, ratnih vojnih invalida i porodica šehida i poginulih boraca. Koliko god je moguće, radi na inkluziji djece sa posebnim potrebama u aktivno uključivanje u nastavni proces. Dala je svoj izuzetan doprinos u afirmaciji i razvoju struke svih profila zdravstvenih profesionalaca.

Dala je svoj izuzetan doprinos u afirmaciji i razvoju struke svih profila zdravstvenih profesionalaca. Aktivno učestvuje u radu svih Udruženja (s akcentnom na saradnju sa Udruženjem „Asocijacija studenata Fakulteta zdravstvenih studija“) i Komora iz oblasti zdravstvenih nauka, te radi na njihovom zajedničkom djelovanju.

„U nauci nema širokog drumu. Do njenih sjajnih vrtova stiže samo onaj koji se, ne strahujući od umora vere po njenim krševitim stazama“ – Marks.

Imajući u vidu naprijed navedene činjenice, posebno njenu ličnu, profesionalnu i aktivnu ulogu u najčistijim humanim principima djelovanja pojedinca unutar društvene zajednice, smatramo potpuno utemeljenim naš prijedlog da se prof. dr. Arziji Pašalić dodijeli najviše društveno priznanje grada Sarajeva „Šestoaprilaska nagrada Grada Sarajeva“ u 2021.godini.





**UDRUŽENJE „ASOCIJACIJA STUDENATA FAKULTETA
ZDRAVSTVENIH STUDIJA“**



Asocijacija studenata

Broj: 01-15-31-12/20

Fakultet zdravstvenih studija Univerziteta u Sarajevu

Datum: 31.12.2020.

n/r prof.dr. Arzije Pašalić


Predmet: Saglasnost na kandidaturu za „Šestoaprilsku nagradu Grada Sarajeva“ u 2021.

U skladu sa Javnim pozivom o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2021.godini, Gospođa **Arzija Pašalić** daje svoju saglasnost za njenu kandidaturu u oblasti **nauke i obrazovanja**.

Potpisom, saglasna sam za navedenu kandidaturu Udruženja „Asocijacija studenata Fakulteta zdravstvenih studija“

Prof. dr. Arzija Pašalić

Saglasnost predao



Nemanja Jovičić

U Sarajevu, 31.12.2020.

Saglasnost će biti sačinjena u 5 istovjetnih primjeraka, od čega 1 ostaje Udruženju, 1 kandidatu, a 3 se šalju uz konkurs.

Adresa: *Stjepana Tomića 1, 71000 Sarajevo, BiH* **E-mail:** *asocijacija.studenata@fzs.unsa.ba*
Tel.: *062/ 811- 532*